



Republika e Kosovës
Komuna e Drenasit (Gllogoc)
Kuvendi i Komunës

02 Nr. 400/01-54035 dt. 24/12 / 2025



PLANI I REAGIMIT EMERGJENT (PRE) PËR KOMUNËN E GLLOGOCIT

PLANI BAZIK

Dhjetor, 2025

TABELA E PËRMBAJTJES

Ballina.....	1
Përmbajtja.....	2
SHPALLJA-DEKRETIMI	Error! Bookmark not defined.
Dokumenti dekretues.....	Error! Bookmark not defined.
Dekretimi i Planit të Reagimit Emergjent	Error! Bookmark not defined.
APROVIMI DHE IMPLEMENTIMI	Error! Bookmark not defined.
PLANI I REAGIMIT EMERGJENT.....	Error! Bookmark not defined.
Hyrje	Error! Bookmark not defined.
I. QËLLIMI DHE FUSHËVEPRIMI I PLANIT	Error! Bookmark not defined.
Elementet e planit	Error! Bookmark not defined.
Shtrirja	Error! Bookmark not defined.
II. SITUATA DHE SUPOZIMET	Error! Bookmark not defined.
Parashikimet.....	Error! Bookmark not defined.
III. ORGANIZIMI DHE ÇAKTIMI I (PËRGJEGJËSIVE)	Error! Bookmark not defined.
A. DREJTIMI	Error! Bookmark not defined.
1.Zyrtarët e zgjedhur-Kryetari i Komunës	Error! Bookmark not defined.
2.Menaxheri i Qendrës Operative Emergjente Lokale (QOEL)- Koordinator i menaxhimit emergjent lokal (KMEL):	Error! Bookmark not defined.
3. Zyrtari për informim publik lokal (ZIP) dhe çështjeve të jashtme - FME # 15).....	Error! Bookmark not defined.
4. Zyrtari për siguri	Error! Bookmark not defined.
5. Zyrtari ndërlidhës.....	Error! Bookmark not defined.
B. SEKTORI I OPERATIVËS	Error! Bookmark not defined.
1.Komunikimi (FME # 2):	Error! Bookmark not defined.
2.Zjarrfikja (FME # 4)	Error! Bookmark not defined.

4. Kerkimi dhe shpëtimi (FME # 9):.....	Error! Bookmark not defined.
5. Reagimi për naftë dhe materie të rrezikshme (FME # 10)	Error! Bookmark not defined.
6. Siguria publike dhe jorrezikshmëria - (FME # 13).....	Error! Bookmark not defined.
C. SEKTORI I PLANIFIKIMIT	Error! Bookmark not defined.
D. SEKTORI I LOGJISTIKËS.....	Error! Bookmark not defined.
1.Transporti (FME # 1)	Error! Bookmark not defined.
2.Punët publike dhe të inxhinierisë (FME#3)	Error! Bookmark not defined.
3.Kujdesi masiv, strehimit dhe shërbimeve humane (FME#6).....	Error! Bookmark not defined.
4. Dega e mbështetjes me burime (FME#7).....	Error! Bookmark not defined.
5. Dega e burimeve bujqësore dhe natyrore (FME#11):.....	Error! Bookmark not defined.
6. Dega e energjisë (FME#12):.....	Error! Bookmark not defined.
E. SEKTORI I FINANCAVE DHE ADMINISTRIMI	Error! Bookmark not defined.
1.Rimëkëmbja së komunitetit dhe zbutjes (FME #14):	Error! Bookmark not defined.
V. ADMINISTRATA DHE LOGJISTIKA.....	Error! Bookmark not defined.
VI.Zhvillimi dhe mirëmbajtja e planit	Error! Bookmark not defined.
VI. TRAJNIMI DHE USHTRIMET A. Autoriteti i trajnimeve	Error! Bookmark not defined.
VII. KËRKESAT PËR PLAN, MIRËMBAJTJA DHE SHPËRNDARJA.....	Error! Bookmark not defined.
Shtojca 1 – Lista e shkurtësive.....	Error! Bookmark not defined.
Shtojca 2 – Autoriteti dhe referencat.....	Error! Bookmark not defined.
Shtojca 3 – Matrica e përgjegjësive.....	Error! Bookmark not defined.
Shtojca 4 – bartja e autoritetit.....	Error! Bookmark not defined.
Shtojca 5 – Lista e shpërndarjes së PREL.....	Error! Bookmark not defined.
Shtojca 6 – Dokumentet esenciale	Error! Bookmark not defined.
Shtojca 7 – Shembull i vendimit të SIME	Error! Bookmark not defined.
Shtojca 8 – Shembull i vendimit për aprovimin e POE	Error! Bookmark not defined.
Shtojca 9 – Shembull i shpalljes së kërkesë për shpalljen e gjendjes emergjente lokale	Error! Bookmark not defined.

Plani i reagimit emergjentë për zjarre fushore – malore, objekte banimi, objekte industriale dhe prodhuese, pompa të derivateve, aksidente rrugor.....	66
Qëllimi i hartimit të këtij plani është :	Error! Bookmark not defined.
VEPRIMET PËR ITERVENIME EMERGJENTE.....	Error! Bookmark not defined.
Furnizimi me ujë dhe pajisje të tjera:	Error! Bookmark not defined.
Komunikimi dhe ndërlidhjet.	Error! Bookmark not defined.
Plani i reagimit emergjent për vërshime, breshër.....	75
Qëllimi i hartimit të këtij plani është :	Error! Bookmark not defined.
Aktivitetet dhe masat parandaluese që duhet të mirren nga vërshimet:.....	Error! Bookmark not defined.
Masat parandaluese nga breshëri:	Error! Bookmark not defined.
Plani i reagimit emergjent për epidemitë, endemitë dhe pandemitë.....	78
Qëllimi i hartimit të këtij plani është :	Error! Bookmark not defined.
Masat parandaluese në rastet e pandemisë janë:	Error! Bookmark not defined.
Masat parandaluese nga epidemitë janë veprime dhe strategji që ndërmirren për të parandaluar përhapjen e sëmundjeve infektive në Komunën e Glllogocit, të cilat janë:.....	Error! Bookmark not defined.
PËRFUNDIM	Error! Bookmark not defined.

LISTA E PLOTË FUNKSIONALE

DORACAKU I NJOFTIMEVE DHE BURIMEVE (DNB)

Publikuar veq e veq

SHPALLJA-DEKRETIMI

Dokumenti dekretues

Dokumenti dekretues e venë "në fuqi" PREL (Planin e Reagimit Emergjent Lokal). E shpall zyrtarisht planin dhe e bënë zyrtar duke i dhënë autoritetin dhe përgjegjësinë organizatave të përcaktuara në të për kryerjen e detyrave për identifikimin, përgatitjen dhe mirëmbajtjen e procedurave standarde operative të cilat shpjegojnë se "si" do të përmbushen detyrat e caktuara. Gjithashtu i bënë këto organizata të trajnohen dhe ushtrojnë sipas nevojave për implementimin e planit.

Dekretimi i Planit të Reagimit Emergjent

Me autoritetin tim të dhënë dhe në bazë Ligjit mbi vetëqeverisjen lokale dhe nenin 91, pika 1.2 TË LIGJIT NR. 04/L-027 PËR MBROJTJE NGA FATKEQËSITË NATYRORE DHE FATKEQËSITË TJERA, miraton dhe **dekretion**, si kryetar i **Komunës së Glllogocit** dhe si administrator me autoritetin përfundimtar për menaxhimin emergjent në **Komunë**. Unë shpall dhe aktivizoj Planin e Reagimit Emergjent ("Planin 001") të **Komunës**.

PRE për **Komunën** ofron reagimin ndaj emergjencave dhe fatkeqësive natyrore dhe fatkeqësive tjera me qëllim të: **Shpëtimit të jetëve, mbrojtjes së shëndetit publik, sigurisë dhe të mirave materiale, restaurimin e shërbimeve esenciale dhe për të mundësuar dhe asistuar në rimëkëmbjen ekonomike.**

Në bazë të nenit **46, pika 2** të LIGJIT NR. 04/L-027 PËR MBROJTJE NGA FATKEQËSITË NATYRORE DHE FATKEQËSITË TJERA, **PRE** është në pajtim me sistemin e integruar të menaxhimit të emergjencave në Republikën e Kosovë, Planin e Vlerësimit të Rrezikut për Komunën e Glllogocit dhe në harmoni me Planin e Reagimit Kombëtar.

Koordinatori i menaxhimit emergjent i Komunës, në bazë të nenit **47, pika 4** të Ligjit NR. 04/L-027 PËR MBROJTJE NGA FATKEQËSITË NATYRORE DHE FATKEQËSITË TJERA, në emër të kryetarit të **Komunës** është i autorizuar të aktivizoj **Qendrën Operative Emergjente Lokale (QOEL)** të



Komunës me qëllim të drejtimit dhe kontrollit të operacioneve emergjente të **Komunës**.
Plotësimi i QOEL do ta strukturoj implementimin e planit.

Për më tepër, **koordinatori i menaxhimit emergjent i Komunës** gjithashtu është i autorizuar që në koordinim me **Kryetarin e Komunës**, në bazë të nenit 47 të LIGJIT NR. 04/L-027 PËR MBROJTJE NGA FATKEQËSITË NATYRORE DHE FATKEQËSITË TJERA ,ta plotësoj/amandamentoj Planin, sipas nevojës për ofrimin dhe krijimin e sigurisë dhe shëndetit të vazhdueshëm të banorëve dhe të mirave materiale të **Komunës**.

Sipas planit, drejtori i secilës drejtori, sektor të **Komunës** do të caktoj nga një udhëheqës dhe së paku nga një zëvendës për drejtorinë, sektorin përkatës.

VENDIM

PLANI I REAGIMIT EMERGJENT

Bazuar në nenin 11,12,40,44 të Ligjit për Vetëqeverisje Lokale Nr. 03/L-040. Kuvendi i Komunës së Drenasit në mbledhjen e mbajtur me datë: 24.12.2025 miratoi këtë vendim.

Kryetari i Komunës së Gllogocit dhe Asambleja Komunale njohin nevojën për tu përgatitur, reaguar dhe rimëkëmbur nga fatkeqësitë natyrore dhe fatkeqësitë tjera dhe ato të shkaktuara nga faktori njeri; dhe

DUKE PAS PARASYSH QË: Kryetari i Komunës ka përgjegjësi ligjore për siguri dhe mirëqenie të qytetarëve dhe vizitorëve të tij; dhe

DUKE PAS PARASYSH QË: **Kryetari** ka vendosur dhe caktuar drejtor dhe koordinator të menaxhimit emergjent; kështu që:

Pas shqyrtimit të Planit të Reagimit Emergjent, Kryetari i Komunës së Gllogocit dhe Asambleja Komunale, në bazë të nenit **46, pika 2** të LIGJIT NR. 04/L-027 PËR MBROJTJE NGA FATKEQËSITË NATYRORE DHE FATKEQËSITË TJERA, vendosin që ky Plan i Reagimit Emergjent është miratuar zyrtarisht; dhe

ËSHTË VENDOSUR DHE URDHËRUAR që drejtori për Shërbime Publike dhe Emergjencë, apo i emëruari i tij/saj, janë caktuar me detyrë dhe autorizuar ta mbajnë dhe rishikojnë/ripunojnë sipas nevojës këtë dokument, gjatë periudhës katër (4) vjeçare, apo derisa të urdhërohet ndryshe nga ky bord.

Ky plan hyn në fuqi 30 (tridhjetë) ditë nga dita e regjistrimit dhe vlerësimit të ligjshmërisë nga MAPL-ja, si dhe 7 ditë nga publikimi në Ueb faqen zyrtare të Komunës.

Kryesuesi i i Kuvendit Komunal

Burim Bujupi



Hyrje

Ky dokument është Plan Emergjent i **Komunës** së Glllogocit. Kriza dhe emergjenca mundë të ndodh në çdo kohë dhe mundë të godas një person, një ndërtesë të vetme apo tërë komunitetin. Emergjencat shkaktojnë konfuzion dhe stres për të gjithë të përfshirit në të. Në mënyrë që të minimizohen këto efekte, aktivizimi dhe implementimi fillestar i Planit të Reagimit Emergjent duhet të bëhet në mënyrë të qetë dhe të qëndrueshme. Implementimi efikas i planit do të ofroj drejtim të qartë, përgjegjësi dhe vijimësi të kontrollit, për zyrtarët kryesor dhe administratorët. Ideja themelore e çdo Plani të Reagimi Emergjent të ndërtuar mirë është minimizimi i rreziqeve të mundshme ndaj individëve dhe të mirave materiale gjatë një emergjence. Me qëllim të zvogëlimit të rrezikut të një emergjence, duhet të bëhen vlerësime dhe përmirësime vjetore në planin emergjent.

QËLLIMI DHE FUSHËVEPRIMI I PLANIT

Qëllimi i këtij plani është që të përshkruaj ato aktivitete që do të merren nga Kryetari komunës, i cili është përgjegjës për siguri publike dhe mirëqenie të qytetarëve në Komunë dhe:

1. Është përgjegjës për koordinimin e resurseve komunale për adresimin e tërë spektrit të veprimeve të parandalimit, gatishmërisë, reagimit dhe rimëkëmbjes nga incidentet në kontekstin e të gjitha rreziqeve duke përfshirë fatkeqësitë natyrore dhe fatkeqësitë tjera;
2. Siguron udhëheqje dhe luan rol kyç në komunikim me publikun dhe ndihmën për njerëzit, bizneset dhe organizatat në përballje me pasojat e çdo emergjence brenda juridiksionit të Komunës;
3. Nxitë pjesëmarrjen në ndihmat reciproke dhe ushtron autoritetin e tij për të hyrë në marrëveshje për ndihmë reciproke me komunat tjera;
4. Kërkon ndihmë qeveritare kur vlerësohet që kapacitetet komunale do të jenë të pamjaftueshme apo të rraskapitura.

5. Cakton komandantin e incidentit me rekomandimin e koordinatorit të menaxhimit emergjent.

Plani përbëhet nga: **Plani bazik (themelor)**, i cili përshkruan parimet dhe doktrinën, njoftimet dhe doracakun e burimeve, e cila parashikon listën kontaktuese, mjetet e nevojshme dhe burimet lokale dhe një seri listash kontrolluese funksionale të cilat japin hollësi për realizimin e specifikave të operacionit dhe **planeve specifike për reagim emergjent**. Qëllimi i këtij plani është që të përfshinë të gjitha aktivitetet në të gjithë ciklin e menaxhimit të emergjencave, duke përfshirë **parandalimin, përgatitjen, reagimin si dhe fazat e rimëkëmbjes**. Ky plan është i zbatueshëm për të gjitha organizatat që veprojnë për reagim ose në emër të Komunës, ose të qytetarëve (të Glllogocit). “Planet e Incidenteve specifike” mund të shtohen në këtë plan nëse është e nevojshme për të përballuar në mënyrë më efikase kërkesat e paraqitura nga rreziqet e veçanta. Planet e tilla janë të renditura në shtojcat e këtij plani.

Elementet e planit

Ky plan përbëhet nga plani bazik, shtojcat, anekset e funksioneve mbështetëse emergjente dhe anekset e **Planeve për Reagime Emergjente për ngjarjet**. Planin bazik ofron një përshkrim të qasjes së **Komunës** ndaj reagimit dhe operacioneve emergjente. Shpjegon politikat, organizimet dhe detyrat që do të përfshihen në reagim ndaj një emergjence. Shtojcat japin definicionin e termeve dhe shkurtesave të përdorura në planin bazik dhe janë vend për çdo skicë, tabelë apo formë mbështetëse. Anekset e funksioneve mbështetëse emergjente përqendrohen në mënyrë të hollësishme në përgjegjësitë, detyrat dhe veprimet operative specifike për përmbushjen e funksionit të caktuar operativ emergjent, ndërsa anekset për incidente përqendrohen në çdo nevojë shtesë të planifikimit apo reagimit, përtej planit të reagimit bazik për skenarin e ngjarjeve të caktuara.

SHTRIRJA

Shtrirja përcakton reagimin ndaj emergjencave/fatkeqësive për të cilin plani u jep të drejtë departamenteve, agjencive dhe komunave dhe lokaliteteve të bashkësive lokale.

Ky plan dhe të gjithë përbërësit e tij janë të aplikueshëm për tërë **Komunën e Glllogocit**.

Personeli apo partnerët të cilët kanë detyra në këtë plan do të kenë çasje dhe do të jenë të njoftuar me PRE.

II. SITUATA DHE SUPOZIMET


Territori i Komunës së Glllogocit shtrihet në pjesën e Kosovës qendrore, në luginën e Drenicës, 32 km nga Prishtina. Territori i saj shtrihet në mes të rrafshit të Kosovës dhe atij të Dukagjinit. Territori i Komunës së Glllogocit është një urë lidhëse në mes të këtyre dy rajoneve.

Komuna e Glllogocit ka një sipërfaqe prej 275,63km² me një lartësi mbidetare prej 575 m, pika më e ulët dhe 1072 m, pika më e lartë.

Komuna e Glllogocit rrethohet me Malet e Berishës në pjesën jug- perëndimore, Kosmaqit në pjesën perëndimore, Qyqavicës në pjesën veriore, Goleshit dhe Lipovicës (Blinajës) në pjesën jug-lindore. Këto male shtrihen në të dy anët e luginës së lumit Drenica.

Sa i përket komunave fqinje, në veri kufizohet me Komunën e Skënderajt, në veri-lindje me atë të Vushtrrisë, në lindje me Komunën e Obiliqit dhe Fushë Kosovës, në jug-lindje me Lipjanin, në jug-perendim me Komunën e Malishevës dhe në perëndim me atë të Klinës.

Harta 1. Pozita gjeografike e Komunës së Glllogocit në Kosovë



Komuna e Glogocit është e pozicionuar në qendër të Republikës së Kosovës, ngjashëm qyteti i Glogocit është i pozicionuar në qendër të shtrirjes hapësinore të Komunës. Kjo përparësi i mundëson që të gjitha vendbanimeve në Komunë të kenë lidhje të afërta rrugore me qytet, si dhe i jep përparësi Komunës së Glogocit përmes lidhjeve të mira me të gjitha komunat në Kosovë.

Sipas regjistrimit të rrugëve në nivel komunal, gjatësia e përgjithshme e rrjetit rrugor është 570.20 km, prej të cilave 512.5 km janë rrugë lokale, 35.4 km janë rrugë regjionale, 19.53 km janë rrugë nacionale, si dhe 2.78 km janë auto – rrugë (shënim): Gjatësia tek rrugët me 4 korsi është llogaritur vetëm me një anë të rrugës.

Në mungesë të kategorizimit të rrugëve (sipas normave të planifikimit apo Ligjit për rrugë), të gjitha rrugët në menaxhim të Komunës janë të përcaktuara si rrugë lokale. Në mungesë të informatave, në analiza nuk janë të përfshira rrugët e kodrave apo rrugët e tokave bujqësore. Infrastruktura rrugore në Komunë është kryesisht e modelit me dy korsi, përveç rrugës nacionale Prishtinë-Pejë në gjatësi prej 19.53 km, si dhe

segmentit të shkurtë të **auto- rrugës “Ruga e Kombit”** me gjatësi 2.78 km të cilat janë me 4 korsi. Rrugat nacionale Prishtinë-Pejë, segmenti i auto-rugës, rrugët tjera nacionale dhe regjionale shërbejnë si nyje kyçe për transport rrugor dhe gjendja e tyre konsiderohet të jetë kryesisht e mirë.

Në total rrjeti rrugor lokal është në gjatësi prej 570.20 km, prej tyre rrugë me **zhavorr** janë **3.55 km (2%)** dhe të **asfaltuara** janë **507.146 (98%)** (shih shtojcën). Rrjeti rrugor lokal i Komunës së Glllogocit lidhet me rrjetin e rrugëve nacionale përmes rrugëve Prishtinë-Pejë dhe asaj regjionale Mitrovicë-Lipjan. **Kryqëzimet kryesore** në Komunë janë në Komoran dhe në hyrje të Glllogocit tek rrethi.

Harta 2: Rrugët në Komunën e Glllogocit



Sipas Planit të Vlerësimit të Rrezikut dhe analizës së rreziqeve në Komunën e Glllogocit, rreziqet kryesore (*sipas prioritetit*) janë:

1. Vërshimet;
2. Zjarret fushore dhe malore;
3. Zjarret në objekte industriale dhe prodhuese;
4. Zjarret në pompat e derivateve të naftës;
5. Aksidentet në komunikacion rrugor;

6. Epidemitë, endemitë dhe pandemitë,

Ndërsa si rreziqe dytësore janë :

1. Breshëri,
2. Tërmetet,
3. Erërat,
4. Erozionet,
5. Ortekët etj.

Komuna në bazë të nenit 46, pika 2 dhe nenit 91 të LIGJIT NR. 04/L-027 PËR MBROJTJE NGA FATKEQËSITË NATYRORE DHE FATKEQËSITË TJERA, është përgjegjëse për hartimin e Planit të Reagimit Emergjent dhe menaxhimin e kapaciteteve reaguese për mbrojtjen e jetëve dhe të mirave materiale të banorëve nga pasojat e fatkeqësive natyrore dhe fatkeqësive tjera dhe atyre të shkaktuara nga faktori njeri.

Plani i Reagimit Emergjentë i Komunës është hartuar në pajtim me ligjet:

1. LIGJIN NR. 04/L-027 PËR MBROJTJE NGA FATKEQËSITË NATYRORE DHE FATKEQËSITË TJERA;
2. LIGJIN NR. 08/L-261 PËR MBROJTJE NGA ZJARRI;
3. LIGJIN NR. 04/L-049 PËR ZJARRËFIKJE DHE SHPËTIM;
4. RREGULLORE Nr. 25/2012 PËR NORMAT TEKNIKE TË MBROJTJES NGA ZJARRI NË NDËRTIMIN E IMPIANTEVE PËR LËNGJET E NDEZSHME, DEPONIMIN DHE TOÇITJEN E TYRE;
5. RREGULLORE Nr. 24/2012 PËR NORMAT TEKNIKE PËR MBROJTJE NGA ZJARRI TË OBJEKTEVE TË LARTA;
6. RREGULLORE (QRK) - NR. 18/2015 PËR ORGANIZIMIN E NJËSIVE TË STRUKTURAVE PËR MBROJTJE, SHPËTIM DHE NDIHMË;
7. NË PAJTIM MË PLANIN E REAGIMIT KOMBËTARË;
8. STATUTIN E KOMUNËS SË GLLOGOCIT.

Ky plan do të punohet, përpunohet, ushtrohet, përmirësohet dhe ri-shpërndahet një herë në 3 vjet, por nuk përjashtohet mundësia që përpunohet apo përmirësohet.

Sipas identifikimit dhe vlerësimit të rreziqeve të realizuar për **Komunën e Gllogocit** janë këto rreziqe:

Rreziku	Shkallëzimi i karakterit
FNFT	
Shtrëngatë	Fare/Kufizuar/Mesatar/Kuptimplotë
Stuhi	Fare/ Kufizuar /Mesatar/Kuptimplotë
Mot i Lig	Fare/ Kufizuar /Mesatar/Kuptimplotë
Zjarr fushorë/malorë	Fare/Kufizuar/Mesatar/ Kuptimplotë
Zjarr në objekte industriale dhe prodhuese	Fare/Kufizuar/Mesatar/ Kuptimplotë
Mungesë e resurseve	Fare/Kufizuar/ Mesatar /Kuptimplotë
Tërmetet	Fare/ Kufizuar /Mesatar/Kuptimplotë
Vërshimet	Fare/Kufizuar/Mesatar/ Kuptimplotë
Nga Faktori njeri	
Terrorizëm	Fare/Kufizuar/Mesatar/Kuptimplotë
Aktivitet kriminal	Fare/ Kufizuar /Mesatar/Kuptimplotë
Vlerësim i rrezikut të brendshëm	Shkallëzimi i karakterit
Pandemi, epidemi, endemi	Fare/Kufizuar/ Mesatar /Kuptimplotë
Lëndime në masë	Fare/Kufizuar/Mesatar/Kuptimplotë
Trazira civile	Fare/Kufizuar/Mesatar/Kuptimplotë
Incident kimik	Fare/Kufizuar/Mesatar/Kuptimplotë
Incident radiologjik	Fare/Kufizuar/Mesatar/Kuptimplotë
Incident biologjik	Fare/Kufizuar/Mesatar/Kuptimplotë
Incident me eksploziv	Fare/Kufizuar/Mesatar/Kuptimplotë

Incident nuklear	Fare/Kufizuar/Mesatar/Kuptimplotë
Dështim i komunikimit	Fare/Kufizuar/Mesatar/Kuptimplotë
Dështimi i infrastrukturës	Fare/Kufizuar/Mesatar/Kuptimplotë

Siç po shihet në tabelë, rreziqet që dominojnë sipas **shkallëzimit të karakterit** e kemi theksuar me ngjyrë të gjelbër, prandaj treguesit e rreziqeve dhe vlerësimi i dobësive për ngjarjen e rreziqeve **mesatare** dhe **kuptimplotë** janë analizuar për **Komunën e Glllogocit**. Treguesit e rreziqeve kanë vlerësuar shkallën e rrezikut ndaj të cilave është e ekspozuar Komuna nga rreziqet përkatëse. Vlerësimi i cënueshmërisë ka llogaritur efektin e mundshëm nëse hapësira e caktuar do të goditet nga rreziku përkatës. Këto vlerësime janë të përshkruara në **Planin e Vlerësimit të Rreziqeve të Komunës**.

Vlerësimi i kapacitetit mund të përfshihet por edhe t'i referohet planit. Vlerësimi i kapaciteteve tregon forcën dhe aftësinë e personelit në procedurat emergjente, rëndësinë e sistemit të instaluar dhe testuar të alarmimit emergjent përgjatë tërë komunitetit dhe ri-fuqizon nevojën e vazhdimit të përpjekjeve për integrimin e reagimit me planet reaguese të lokaliteteve në Komunën e Glllogocit.

Burimet: Vlerësimi i gatishmërisë së komunitetit lokal

Ky proces është përdorë për të përcaktuar kapacitetet dhe kufizimet e komunitetit për tu përgatitur dhe reaguar ndaj rreziqeve të identifikuar. **VGKL** plotësohet mbi baza vjetore. **VGKL** mund të jetë mjet esencial dhe të përdoret për identifikimin e resurseve dhe gjithashtu të përdoret për identifikimin e fushave ku mund të ndërtohen memorandume të mirëkuptimit dhe marrëveshjet ndërkomunale për ndihmë reciproke.

Vlerësimi i kapaciteteve të **Komunës së Glllogocit** është realizuar prej vitit 2004, por i rishikuar në vitet 2010, 2019 e 2024 dhe tani po i rivlerësojmë këto kapacitete në këtë **PREL**.

Parashikimet

Numri i popullsisë dhe vendbanimet janë një indikator i rëndësishëm për demografinë dhe i rëndësishëm për hartimin e **PREL**. Për të identifikuar numrin e popullsisë kemi shfrytëzuar të dhënat e regjistrimeve të popullsisë nga Agjencia e Statistikave të Kosovës (ASK). Në Kosovë regjistrimet zyrtare të popullsisë të

fundit, janë bërë në vitin 2024. Pasqyrën e popullsisë së Komunës , vendbanimet, aspektet gjinore të Komunës së Glllogocit do ti paraqesim në tabeloret dhe diagramet e mëposhtme:

Tab. Nr. 1. Popullsia e Komunës së Glllogocit sipas gjinisë dhe etnive-2024-ASK

Gjithsej	Gjinia		Etnia									
KomunaeG llogocit		Femra	Shqipëtar	Serb	Turq	Boshnjak	Rom	Ashkali	Egjiptas	Goran	Të tjerë	Preferon të mos të përgjigjen
48079	24134	23945	48033	0	3	13	0	1	0	0	15	11

Tab. Nr.2. Popullsia e Komunës së Drenasit sipas gjinisë dhe grup-moshave-2024-ASK

KomunaeDre nasit		Gjithësej	Grup-mosha						
			0-4	5-9	10-14	15-19	20-24	25-29	30-34
	Gjithësej	48079	3580	4000	4223	3959	4096	3363	3275
	Meshkuj	24134	1889	2082	2170	2044	2050	1668	1670
	Femra	23945	1691	1918	2053	1915	2046	1695	1605
1	2	3	4	5	6	7	8	9	10
35-39	40-44	45-49	50-54	55-59	60-64	65-69	70-74	75-79	80+
3350	3157	3111	2771	2487	2141	1759	1264	825	718
1712	1601	1487	1363	1188	1009	838	625	405	333
1638	1556	1624	1408	1299	1132	921	639	420	385

Persona me aftësi të kufizuara, sipas shënimeve të marrura nga QPS (Qendra për Punë Sociale).

Tab.Nr.3. Numri i personave me aftësi të kufizuar në Komunë

Nr.	Mosha	Persona	Gjithësejt
1	0-18	107	538
2	18-70+	431	

Tab. Nr.4. Banesat sipas llojit, statusit të shfrytëzimit dhe tipit të vendbanimit në Komunë-PZHK

Lloji i objektit	Urban			Rural			Gjithësej		
	Banesa kolektive	Ekonomi familjare	Banor	Banesa kolektive	Ekonomi Ffamiljare	Banor	Banesa kolektive	Ekonomi familjare	Banor
Banesë e zakonshme	2,636	2,653	12,315	7,165	7,225	35,764	9,801	9,878	48,079

Në trendët e popullatës të cilat do mund të ndikojnë në implementimin e planit apo në reagimin emergjent përfshihen:

1. **Plakja e popullatës, 9.5% e popullatës është mbi moshën 65 vjet(apo 4566 banor),**
2. **90.5% e popullatës është nën moshën 65 vjet (apo 43513 banor).**

Nga këto statistika po shihet se përqindja e popullatës nën moshën 65 vjet është shumë e lart krahasuar me përqindjen mbi moshën 65 vjet, andaj duke vërejtur këtë përqindje të plakjes së popullsisë, nuk ndikon në implementimin e PRE.

Në tiparet e terrenit të cilat do mund të ndikojnë në implementimin e planit përfshihen:

Lartësia mbidetare është prej 500-650m. Rreth 46% e sipërfaqes së territorit të komunës së Glllogocit gjendet në lartësinë mbidetare rreth 650m, lartësi kjo që është njëra ndër më të përshtatshmet për zhvillimin e prodhimtarisë bujqësore, ndërsa pika më e lartë është 1072m.

Lumi kryesor që kalon nëpër komunën e Gllogocit është Drenica, e cila është degë e majtë e lumit Sitnica dhe i takon pellgut të Ibrit. Ai buron në Bretenc te mali i Carralevës. Drenica që nga Gllogoci e deri në Bardh i Madh, hyn në një pjesë të ngushtë, duke marrë pamjen e një gryke. Në këtë pjesë të lumit pjerhtësia është më e madhe, gjerësinë më të madhe (10 m) dhe me pjerhtësi të butë derdhet në Sitnicë. Prurja mesatare e lumit Drenica në Sitnicë është 2,0 m³/s. Drenica ka dhe degëzimet e veta siç është lumi Verbica. Në territorin e komunës së Gllogocit ndodhet edhe Liqeni i Vasilevës. Gjithashtu, në territor të komunës gjendet edhe burimi i ujit mineral në Poklek me temperaturë 13.0°C, pH 6.3., rrjedhje 1.00l/sec dhe mineralizim 3.52 si dhe ai në Vërboc, lagjja Istog. Sipërfaqen e tokës pjellore të Luginës së Drenicës e mbulon sistemi i ujitjes "Ibër-Lepenc".

Klima - Kushtet klimatike janë mjaft të përshtatshme. Rajoni ka një klimë të mesme kontinentale me dimra të mesatarisht të ftohtë dhe verë të ngrohtë me ndikime të klimës mesdhetare. Kjo vie nga pozita e komunës në mes te Rrafshit të Kosovës dhe atij të Dukagjinit. Rrafshi i Dukagjini ka klimë me ndikime mesdhetare nga deti Adriatik, kurse ai i Kosovës ka klimë kryesisht kontinentale. Temperatura mesatare vjetore është 10.6 °C, ku muaji më i ftohtë është janari me 0.8°C, kurse muaji më i ngrohtë është korriku me 20.6°C. Sasia mesatare e të reshurave është afër 670 mm, kurse në sezonin e vegjetacionit (prej muajit të IV-IX) afër 230 mm.

1. **Pjesa perëndimore dhe veri-perëndimore në komunë është kodrinore në pjesën më të madhe të cilët merren më bujqësi,**
2. **Pjesa qendrore e komunës/qytetit është shumë urbane dhe me ndërtime të larta , por si zonë që mund të ndikohet nga vërshimet , është fshati Shtrubullojë,Çikatovë e re, dhe një pjesë e Poklekut të Ri, pasi që kalon lumi Drenica, i cili në periudhat me shi, mund të shkaktoj vërshime.**

Hartat 3: Llojeve të tokave dhe pjerhtësisë së terrenit në komunën e Gllogocit

